

آبونه سرائطی

ممالك عثمانیه ده سنه لکی (۶۵) آلتی ،
یلغی (۳۵) غروشدر
ممالك اجنبیه ده سنه لکی (۱۷) ، آلتی
آیلغی (۹) فرانقذر .

اداره خانه

باب عالی جاده سنده دائره مخصوصه

اخطارات

آبونه بدلی پشیندر .

§

مسلكه موافق آثار مع الممنونیه قبول
اولنور . درج ابدله یں یازیلر اعاده
اولونماز .

الکشاف

۱۳۳۰

دینی ، فلسفی ، علمی ، ادبی هفته لقی مجموعه اسلامیه در .
صاحب و مدیر مسئول
اشرف ادیب

والله یهدی من یشاء الی صراط مستقیم

اتبعون اهدکم سبیل الرشاد

عدد ۳۲۲

۲۷ صفر ۱۳۳۳

پنجشنبه

۱ کانون ثانی ۱۳۳۰

جلد ۱۳

اخطارات

رساله مزدن آلتدیغی کوسترلک شرطیله
یتون یازیلر هر هانکی برغنه طرفندن
اقتباس اولونه بیلیر .

§

مکتوبلرک ، امضالری واضح و اوقوناقلی
اولمسی و آبونه صره نومروسنی محتوی
بولومسی لازمدر .

§

ممالك اجنبیه ایچون آبونه اولانلرک
آدرس لرینک فرانسزجه ده یازلمسی رجا
اولنور .

§

یاره کوندرلدیکی زمان نه یه دائر اولدیغنک
واضحاً بیلدیلمسی رجا اولنور .

شیخ شامل مرحومه دائر

غزواتی نشر ایتمکده اولدیغمز شیخ شامل مرحومه دائر ابویوب الانصاری رضی الله عنه حضرت تلیزک تربه داری احمد زیور افندی طرفدن کوندربلن برورقینی بروجہ آتی درج ایدورز. غازی مشارالیه عائد معلوماتی حاوی ورود ایدہ جک اوراق مع الممنونیه درج اولنور :

سبیل الرشاد جریده اسلامیه سنه

شیخ شامل مرحوم مدینه منوره یه عزیمت ایتمک اوزره درسعاته کلہرک برسنہ قدر بورادہ اقامت ایلمش وسلطان عبدالعزیزک فوق العادہ التماثنه مظهر اولمشدر .

..

مخدوملرندن غازی محمد بک ۱۲۹۱ تاریخندہ روسیہ دن درسعاته کلدیلر . ۹۳ محاربه سنده غازی محمد بکک عہدہ سنہ فریقاق رتبہ سیلہ آناتولی اردوی هایونی سواری قوماندانلی توجیہ بویورولدی . بعدالحرب درسعاته عودت بویوردیلر . اوصردہ مجدداً تشکیل اولونان داغستان سواری آلاینه قوماندان تعیین بویوردیلر . فقط خاتان سابقک اوهای اوزرینه مذکور آلایک برکیجه داغیدیلسی حسینیلہ پاشای مشارالیک بغدادہ مأموریتہ ارادہ سنہ صادر اولدی . بوارادہ یی کندیسنه تفہیم ایدن ذاتہ : « بغدادہ کیدم . زیرا بوکیجه معنادہ پدرم مرحومی النده بریشیل اورتو اولدینی حالده کوردم . بویوردیلرک : یقینده مدینه منوره یه کلہجکسک ! » دیسی اوزرینه مدینه منوره یه عزیمتی حقندہ ایکنجی برارادہ سنہ صادر اولدی . یونک اوزرینه مدینه یه عزیمت بویوردیلر . یکریمی سنہ صوکر اومحل مقدسده ارتحال داربقا ایله پدرلری جنتمکان شیخ شامل مرحومک یانہ دفن اولوندیلر .

ابویوب الانصاری حضرت تلیزک تربه داری

احمد فوزی

شیخ شامل

جهاد اسلام

آذربایجان :

بوهفته کی تبلیغات رسبیہ

۲۴ کانون اول : (صومای) و (باجرک) دن ایلرولین قطعاتمز روسلرک آذربایجانده کی مهم نقاط استنادیہ لرندن اولان (رومیہ) یی دخی اشغال ایتدی . § ۲۶ : آذربایجانده حرکت ایدن قطعاتمز ، « قوطور » یی اشغال ایتدی . دشمن بو منطقه دن دخی « خوی » و « سلاس » استقامتندہ چیلمشدر . « میان دووآب » محاربه سنده مقتول دوشن روسلر آره سنده « آلسکندر » نامندہ کی « صاووچلاق »

روس قونسولوسی بولونمشدر . مرقوم بیکیباشی و چارک یاور حربی ایدی . § ۲۸ : آذربایجان داخلندہ حرکت ایدن مفرزمه لریمز « رومیہ » و « قوطور » یی اشغالدن صوکره چکیلن روس قطعاتی موسسک مخالفتنه رغماً تعقیب ایتمکده درلر . روسلرک برقول اردووزک فرقه قوماندانلرینی اسیر ایتدکلری حقندہ کی یالانلری قطعاً تکذیب اولونور . یالکز کچنلرده بریاره لی قافله سنہ برروس کویندہ هجوم ایدن روس مفرزمه سی ، اورادہ آخیر یاره لی بولونان برفرقه قومانداننی اسیر ویاره لی افرادی شهید ایتشلردر .

قفقاسیہ :

۲۸ : « اصل محاربه جبهه سنده قطعاتمز حدودک ایلریننده حاکم مواضعی دشمندن ضبط ایتش و « اولق » و « اردهان » جہتلرنده کی قطعاتمزک حرکتی قار و صوغوگک شدتدن طولانی حال توقفده بولونمشدر .

قره دکز :

۲۴ : روس فیلوسی قرووزورلر مزله ایتدیکی دون بیلدیرلن محاربه ده هیچ برتیجه ایدہ مدیکی جہتلہ محاربه موقعنک جوارندن کچمکده اولان ایتالیاباندیره سنی حامل برایتالیان تجارت کیسینی ، ایتالیان بایراغنی تمامیلہ کوستردیکی حالده بیلہ بونی غرق ایتمک تزل ایتمشدر . § ۲۵ : روس فیلوسی بوکون آجیق برشہر اولان سینوی قواعد بین الملل خلافتہ اوله رق طویہ طونمشدر . بومباردمان نتیجه سنده ایکی خانه خفیف بر صورتده خسارزده اولمشدر . انساجہ ضایعات یوقدر . یالکز بری روسلردن مصادره ایدیلن ، بری ده بربلغار قایینی اولق اوزره درت قایق باطمشدر . بوکا مقابل کیلرمنز ماقریال و شمالی جوارنده کی روس قطعاتی موقعیتله طویہ طونمشدر .

عراق :

۲۸ : عراق حوالیسینده انکیزلر آغیر بر ضررہ یدیلر . دون اوکلدن صوکره ایکی دشمن پیاده طابوریلہ سریع آتشی ایکی جبل طونی « قورنه » جوارنده کی بزه منسوب مجاهدین عرب قبائلی اردوگاھلرندن بریته باصقین طرزنده تضرصده بولونمشدر . فقط بوائنادہ دشمن پیاده سی برپوصویہ اوغرامش وایکی ساعتق محاربه دن صوکره (۱۲۵) مقتول و مجروح برافه رق فرار ایله مشدر هرهنه قدر قبائلز تعقیب ائناسینده دشمن طویجیسی طرفندن یاقین بر مسافه دن آتش آلتنه آلینمش ایسه ده ضایعاتمز آنجی (۱۵) مجروحدن عبارت قالمشدر .

جهاد اکبر . — حوالی عراقک . اک مهم قبیله لری رؤساسنک کر بلا مبعوثی مهدی بک کوتردکلری تاغرافنامه و « جناب حقک عنایتنه مستنداً عموم آتلیزمله برابر بوکون ساحه حربہ حرکت ایتدیکمزی مشیخت اسلامیه یه عرض ایدیکنز . نعمه ، السید حسین ، مطلب ، قائد المجاهدین جهاد ، سلمان ، مانع ، متعب ، عمران » شیخ المراقین حضرت تلیزله کونه زاده نک آلدقلمی عهدویمان اوزرینه بوکون هنیه عشائی کال شوکتله کر بلا یه مواصلت ایتدیلر . کونه زاده ده ایکی کیجه مسافر قالدقن صوکره متفقاً دارالحربه حرکت وشو مهابتلی حرکتلریله عراقده کی عموم عشائی حرکتہ کتیردیلر

اعتماد زاده

علی محمد

اخطار

آبونه بدلاتنی تماماً کوندرمه یه مقتدر اولمایان قارئین محترمه نک هیچ ازلمازسه آیدہ برر مجیدیہ کوندرمک صورتیلہ تأدیہ دینه همت بویورملری استرحام اولنور . امید ایدرزک قارئین کرام لطفاً بو رجامزی نظر دقتہ آلیر ، دریغ همت بویورمازلر .

اشرف ادیب

مطبعه آمدی